




**PRAVILNIK
O NAGRAĐIVANJU BIBLIOTEKARA NA
UNIVERZITETU U SARAJEVU**



UNIVERZITET U SARAJEVU

**P R A V I L N I K
O NAGRAĐIVANJU BIBLIOTEKARA NA UNIVERZITETU U
SARAJEVU**

Sarajevo, april 2022. godine

SADRŽAJ:

I dio - Opće odredbe	4
II dio - Pokretanje i sadržaj inicijative	5
III dio - Dodjela nagrada	6
IV dio - Prelazne i završne odredbe	6

Na osnovu člana 130. Zakona o visokom obrazovanju („Sl. novine Kantona Sarajevo“, broj: broj: 33/17, 35/20, 40/20 i 39/21) i člana 59. Statuta Univerziteta u Sarajevu, Senat Univerziteta u Sarajevu je na 46. redovnoj sjednici održanoj 27. 04. 2022. godine, *donio*

P R A V I L N I K O NAGRAĐIVANJU BIBLIOTEKARA NA UNIVERZITETU U SARAJEVU

I DIO - OPĆE ODREDBE

Član 1.

- (1) Pravilnikom o nagrađivanju bibliotekara na Univerzitetu u Sarajevu (u daljem tekstu: Pravilnik) pobliže se uređuju kriteriji i postupak nagrađivanja bibliotekara i dodjela nagrada bibliotekarima na Univerzitetu u Sarajevu (u daljem tekstu: Univerzitet) za njihov višegodišnji doprinos.
- (2) Gramatička terminologija korištenja muškog ili ženskog roda za pojmove u ovom Pravilniku uključuje oba roda.

Član 2.

- (1) Univerzitet može nagraditi istaknute bibliotekare na Univerzitetu u Sarajevu za doprinos u razvoju, unaprjeđenju, promociji i afirmaciji bibliotečko-informacijske djelatnosti.
- (2) Kao izuzetan doprinos podrazumijevaju se rezultati iz sljedećih kategorija i aktivnosti:

Kategorije i aktivnosti	Bodovi
Predavanja, edukacije, radionice (za bibliotekare i druge stručne bibliotečke radnike)	
Predavač na predavanjima, edukacijama, radionicama na međunarodnom nivou	4
Predavač na predavanjima, edukacijama, radionicama na federalnom/državnom nivou	3
Predavač na predavanjima, edukacijama, radionicama na kantonalnom nivou	2
Rad u stručnim bibliotečkim vijećima, odborima, udruženjima (koji potiču, razvijaju i unaprjeđuju bibliotečku struku)	
Predsjednik vijeća, odbora, udruženja	3
Potpredsjednik, zamjenik predsjednika vijeća, odbora, udruženja	2
Član vijeća ili odbora	1
Objavljene knjige, poglavlja u knjigama/zbornicima, znanstveni i stručni članci, bibliografije, indeksi, konferencije/simpoziji	
Monografska publikacija (kao autor ili koautor)	8
Poglavlje u knjizi, zborniku	7
Znanstveni članak objavljen u publikacijama indeksiranim u bazama WoS, Scopus	6
Stručni članak objavljen u publikacijama indeksiranim u WoS, Scopus	5
Znanstveni članak objavljen u publikacijama indeksiranim u drugim bazama	4
Stručni članak objavljen u publikacijama indeksiranim u drugim bazama	2
Bibliografija kao monografska publikacija	8

Bibliografija kao samostalna jedinica u serijskoj publikaciji	5
Indeks u publikaciji	4
Izlaganje na konferenciji i simpoziju s međunarodnim karakterom	5
Izlaganje na konferenciji i simpoziju lokalnog karaktera	4
Učešće na konferenciji i simpoziju s međunarodnim karakterom kao autor postera	3
Učešće na konferenciji i simpoziju lokalnog karaktera kao autor postera	2
Organizator konferencije, simpozija	5
Projekti	
Vođenje ili koordiniranje projekta na međunarodnom novou	5
Vođenje ili koordiniranje projekta na lokalnom / entitetskom /državnom nivou	4
Član projektnog tima na međunarodnom novou	2
Član projektnog tima na lokalnom/entitetskom /državnom nivou	1
Unaprjeđenje rada biblioteke	
Uspostavljanje, razvijanje i pružanje novih bibliotečkih usluga	8
Primjena informacijsko-komunikacijskih tehnologija u biblioteci	8
Unaprjeđenje rada biblioteke iz oblasti izgradnje, upravljanja i korištenja zbirki	8
Unaprjeđenje rada iz oblasti upravljanja bibliotekom	8
Stipendije, međunarodna razmjena, studijske posjete	
Dobitnik stipendije međunarodnog karaktera	3
Učestvovanje u ljetnim školama	2
Studijske posjete, učestvovanje u međunarodnoj razmjeni (npr. Erasmus i sl.)	1
Sticanje viših akademskih zvanja	
Doktor nauka	7
Magistar nauka	5
Magistar struke	3
Sticanje viših stručnih zvanja	
Bibliotečki savjetnik	7
Viši bibliotekar	5
Učešće bibliotekara u nastavno-obrazovnom procesu	
Mentor za praksu studenata bibliotekarstva	5
Gost predavač u nastavi iz oblasti informacijske pismenosti i promocije bibliotečko-informacijskih usluga	5

II DIO - POKRETANJE I SADRŽAJ INICIJATIVE

Član 3.

- (1) Inicijativu za nagrađivanje bibliotekara (u daljem tekstu: inicijativa) mogu podnijeti bibliotekari s Univerziteta, rukovodioci organizacionih jedinica Univerziteta i druge osobe zaposlene na Univerzitetu.
- (2) Inicijativa se dostavlja Komisiji za nagrađivanje koju imenuje Odbor (u skladu sa članom 5. stav 2. ovog Pravilnika) koja vrši odabir kandidata najkasnije do 30. juna tekuće godine.
- (3) Inicijativa iz stava (1) ovog člana mora sadržavati opis i dokaze izuzetnog doprinosa osobe koja se predlaže za nagrađivanje u smislu člana 2. ovog Pravilnika.

Član 4.

- (1) Inicijativa koja se podnosi treba sadržavati obrazloženje inicijative.
- (2) Obrazloženje inicijative obavezno sadrži:
 - biografske i bibliografske podatke osobe koja se predlaže za nagrađivanje,
 - informacije o radu kandidata o doprinosu u razvoju, unaprjeđenju, promociji i afirmaciji bibliotečko-informacijske djelatnosti u skladu sa čl. 2 stav 2.
 - ostale relevantne dokaze.
- (3) Nagrada se može dodijeliti više puta istom bibliotekaru pod uvjetom da nema drugih kandidata, pri čemu se boduju aktivnosti koje je realizirao nakon prethodnog izbora.
- (4) Nagrađeni bibliotekar je onaj s najvećim brojem ostvarenih bodova kada se saberu bodovi iz svih kategorija i aktivnosti u skladu s bodovanjem iz čl. 2 st. 2 ovog Pravilnika, a najmanje 40.
- (5) Komisija za nagrađivanje može donijeti odluku da ne dodijeli nagradu kada je to opravdano, odnosno kada obrazloženje inicijative nije u skladu sa stavom 2 ovog člana ili nema prijavljenih kandidata.
- (6) Kandidat ne može istovremeno biti član Komisije za nagrađivanje.

Član 5.

- (1) Inicijativa s obrazloženim prijedlogom upućuje se Komisiji za nagrađivanje.
- (2) Odbor za bibliotečko-informacioni sistem Univerziteta u Sarajevu imenuje Komisiju sastavljenu od 5 (pet) članova od kojih je jedan član obavezno član Odbora za bibliotečko-informacioni sistem Univerziteta u Sarajevu, a jedan član bibliotekar organizacione jedinice koji nije član Odbora. Bibliotekara koji nije član Odbora za bibliotečko-informacioni sistem Univerziteta u Sarajevu u Komisiju za nagrađivanje imenovat će Odbor radi prvog dodjeljivanja nagrade, a nakon toga član će biti prethodno nagrađeni bibliotekar.
- (3) Komisija iz st. 2 imenuje se na period od godinu dana.
- (4) Komisija razmatra inicijativu i daje svoje mišljenje, koje dostavlja Odboru za bibliotečko-informacioni sistem Univerziteta u Sarajevu.
- (5) Odbor za bibliotečko-informacioni sistem Univerziteta u Sarajevu Senatu Univerziteta upućuje prijedlog za nagrađivanje bibliotekara.
- (6) Senat Univerziteta u Sarajevu donosi konačnu odluku o nagrađivanju.

III DIO - DODJELA NAGRADA

Član 6.

- (1) Nagrada se dodjeljuje jednom godišnje.
- (2) Dodjelu nagrada zakazuje i obavlja prorektor Univerziteta i predsjednik Odbora za bibliotečko-informacioni sistem Univerziteta u Sarajevu u prisustvu dekana organizacionih jedinica Univerziteta.
- (3) Dodjela nagrada obavlja se u pravilu u okviru „Decembarskih dana Univerziteta u Sarajevu“, a diplomu uručuje prorektor i predsjednik Odbora za bibliotečko-informacioni sistem Univerziteta u Sarajevu na prigodnoj svečanosti.
- (4) Dodjela nagrada je javna i važan je događaj za bibliotekare organizacionih jedinica Univerziteta u Sarajevu.
- (5) Nagradu čini diploma koja je ovjerena potpisom rektora te novčani iznos u skladu s raspoloživim finansijskim sredstvima.
- (6) Finansijska sredstva se osiguravaju s jedinstvenog računa Univerziteta u Sarajevu.

IV DIO - PRELAZNE I ZAVRŠNE ODREDBE

Član 7.

Izmjene i dopune ovog Pravilnika vrše se na način i po postupku za njegovo donošenje.

Član 8.

Tumačenje ovog Pravilnika daje Senat Univerziteta u Sarajevu.

Član 9.

Ovaj Pravilnik stupa na snagu danom donošenja.

*R*REKTOR

Rifat Škrijelj
Prof. dr. Rifat Škrijelj



Broj: 01-6-95-1/22

Sarajevo, 27. 04. 2022. godine